

Matth. 17. in transfiguratione, agilitatem, dum ambulauit super aquas, subtilitatem dum de intacto uirginis utero exiuit] id enim ex conjunctione uerbi corpori debebatur. Ita ob conjunctionem digne communicantis cum corpore Christi, datur iustis agilitas quædam & vigor ad studiosa opera ex assistentia diuini auxiliij, & aliud quid simile dotibus, per quod caro, diminuto in dies fomite, promptius obediatur spiritui, atque dicatur spiritalis. Vt. 1. Corin. 15. corpus dicitur fore spirituale ab effectu, quia perfecte obediatur spiritui. Propter quod Concil. Florent. effectum Eucharistiæ docet & augere gratiã, & in corporare nos Christo. Quæ similitudo exprimitur Ioan. 6. dicente Christo, Sicut ego uiuo propter Patrem qui misit me, accepta ab illo substantia mea, ita qui manducat me, accepta corporis mei substantia, uiuet propter me, & de Manna in figura Eucharistiæ dicitur Sap. 16. Substantiam tuam, & dulcedinẽ, quã in filios habes, ostendebas. Quæ omnia satis explicant de actibus, quos iustus habet per potentias etiã corporales, ut dictum est. Quare Parochi patres erunt, fideles crebro adhortari, ut quemadmodum corpori in singulos dies a